

Ҳар бир хонадонга, бутун юртимизга тинчлик-омонлик, меҳр-оқибат, бахту саодат ёр бўлсин!

Shu aziz VATAN — barchamizniki!



ЎЗБЕКИСТОН ОВОЗИ

2011-yil, 22-mart. Seshanba

37 (31.313)

Ijtimoiy-siyosiy gazeta

1918-yil 21-iyundan chiqa boshlagan

www.uzbekistonovozi.uz

ПРЕЗИДЕНТ ИСЛОМ КАРИМОВНИНГ НАВРЎ БАЙРАМИГА БАҒИШЛАНГАН ТАНТАНАЛИ МАРОСИМДАГИ СЎЗИ

Ассалому алайкум, азиз ватандошлар!

Муҳтарам меҳмонлар! Шу кунларда она юртимиз — Ўзбекистонимиз заминига гўзал баҳор нафаси билан бирга барчамиз орзиқиб кутган Наврўзи олам кириб келмоқда.

Табиат очилиб, шаҳар ва қишлоқларимиз яшил либосга бурканиб бораётган мана шу лаҳзаларда сиз, қадрли ватандошларимни, бутун халқимизни Наврўз байрами билан чин юракдан табриклаб, барчангизга ўзимнинг самимий тилакларимни изҳор этишдан бахтиёрман.

Ҳурматли дўстлар!

Халқимиз ҳамиша шоду хуррамлик билан кутиб оладиган кутлуг байрамлар ва саналар кўп. Лекин шу кунларда эл-юртимиз нишонлаётган Наврўзи олам биз учун энг қадимий, асл миллий, ҳар қандай сиёсатдан холи бўлган, узоқ ўтмиш замонлардан буён қадриятларимиз тимсоли бўлиб келаётган хосиятли бир айём, яшариш ва янгилишни фаслидир.

Шарқона янги йил бўлмиш бу сана одамзот қалбида эзгу интилишларни уйғотиб, унга умид ва ишонч, шуқроналик туйғуларини бағишлайдиган, миллати, тили ва динидан қатъи назар, эрқага аёл, ёшу қари — барча юртдошларимизнинг энг ардоқли, катта хурсандчилик билан ўтказадиган севишли байрамидир.

Бу бетакорор айёмни ҳар бир хонадон, ҳар бир оилада, бағримизни кенг очиб, «Жуш келибсан ўлкамизга, Наврўзи олам, қадаминг қутлуг бўлсин, юртимизга тинчлик-омонлик келтирсин!» деб қарши олиш азалий одатимизга айланган қолган, десам, айна ҳақиқатни айтган бўламан.

Ана шундай холисона, пок ниятлар билан заҳматкаш деҳқонларимиз офтоб нуридан тобора қизиб бораётган ерга уруғ қадаб, бепоён далаларимиздан мўл ҳосил ундириш мақсадида янги меҳнат мавсумини бошламоқда.

Бугун мана шу мунаввар дамларда ҳаммамизнинг тилагимиз: фидойи деҳқон ва фермерларимизнинг, барча меҳнатчиларимизнинг бахтини, омадини берсин, ишлари бароридан келсин.

Наврўз шуқуқи, кўклам шабодаси уфуриб турган шу дилбар фаслда инсон табиат билан янада яқинроқ ва уйғун бўлиб яшаб, ён-атрофидаги одамларга, оиласи, ёр-дўстларига ҳар қачонгидан ҳам кўпроқ ҳурмат ва эҳтиром, меҳр ва эътибор билдиришга эҳтиёж сезади, сумалак ва ҳалим, кўксомса каби тансиқ, ҳақиқатан ҳам миллий таомларимизни улар билан бирга баҳам кўришга интилади.

Маҳалла-кўй, эл-юрт билан аҳил бўлиб, кўмакка муҳтож бўлган инсонларга, ногирон ва беморларга беминнат ёрдам бериш, табаррук кексаларнинг дуосини олиш сингари азал-азалдан халқимизга мансуб бундай олижаноб фазилатларимиз айна шу кунларда ўзининг яққол тасдиғини топишини кузатиш мумкин.

Шуни айтиш керак — кимки халқимизнинг меҳрибонлиги ва баррикенглигининг ёрқин ифодаси бўлмиш ана шундай ноёб одатларимизнинг намойишини кўрса, уларнинг чуқур инсоний маъносини англаб, ҳеч шуб-

ҳасис, доимо ҳайратда қолиши муқаррар.

Наврўз руҳи, Наврўз фалсафаси билан ҳамоҳанг бўлган ўлмас шарқона қадриятларни неча-неча асрлар давомида безавол асраб-авайлаб, сақлаб келаётган халқимизга ҳар қанча тасаннолар айтсак, арзийди, албатта.

Қадрли юртдошларим, азизларим! Бугун Ўзбекистонимизнинг тараққиёт йўлида барқарор суръатлар билан ўсиб бораётгани, бизнинг асосий мақсадимиз бўлмиш янги жамият, янги ҳаёт қуриш, халқ фаровонлигини юксалтириш, ривожланган демократик давлатлар қаторидан муносиб жой олиш учун қатъий қадамлар қўяётганимизни халқро жамоатчилик эътирофи эътибори ҳаммамизни қувонтиради ва янги куч-қувват бағишлайди, албатта.

Авалло, халқимизнинг оғир ва машаққатли меҳнати, ўз кучимиз ва салоҳиятимизни оқилона ишлатиш ҳисобидан эришаётган юксак натижа ва марраларимиз ҳақида гапирганда, эътиборингизни икки масалага алоҳида жалб этишни зарур, деб билардим.

Биринчидан, бугун мана шундай хавфли-тахликали, ўта нотинч бир даврда, жаҳон молиявий инқирози ҳали-бери давом этаётган пайтда эл-юртимиз нимаики натижаларни кўлга киритмасин, буларнинг барчаси юртимизда тобора мустахкам бўлиб бораётган тинчлик ва осудалик, миллатлар, динлар ва фуқаролараро товулик ва аҳиллик, бир-биримизга ҳурмат ва эҳтиром ҳисобидан, десак, ўйлайманки, ҳеч қандай хато бўлмайди.

Бундай ҳеч нарса билан ўлчаб бўлмайдиган бойликни кўз қорачигидек асрашимиз ва сезгир бўлишимизни замоннинг ўзи талаб этади.

Иккинчидан, биз ҳаётимизда эришаётган ютуқ ва марраларни халқро ҳамжамият билан ҳамнафас бўлиб, узоқ ва яқин, аввало, кўшни давлатлар билан ҳамкорликда иш-тишимизнинг самараси сифатида кўрамиз ва бундай ҳамкорликни янада кучайтириш тарафдоримиз.

Наврўз руҳи барчамизни айна шундай орзу-ниятлар ва интилиш билан яшаб даъват этади.

Фурсатдан фойдаланиб, мана шундай шодиёна кунда шу юксак минбардан туриб, бугунги тантанамизда биз билан бирга иштирок этаётган чет мамлакатларнинг муҳтарам элчилари ва халқро ташкилотларнинг вакиллари, бизга хайрихоҳ бўлган барча дўсту биродарларимизга миннатдорлик билдириб, уларни Наврўзи олам билан самимий кутлашга рухсат бергайсиз.

Азиз ва муҳтарам ватандошларим! Бугунги унутилмас, улуг айёмда нуруний отахон ва онахонларимизни, мунис опа-сингилларимизни, навқирон ёшларимизни — ҳаётимизда тобора ҳал қилувчи кучга айланиб бораётган меннинг фарзандларимни яна бир бор чин қалбимдан табриқлайман.

Азиз бошингиз омон, умрингиз узоқ, ризқу насибангиз зиёда бўлсин! Ҳар бир хонадонга, бутун юртимизга тинчлик-омонлик, меҳр-оқибат, бахту саодат ёр бўлсин!

Наврўзи олам барчамизга муборак бўлсин!



Наврўз — яшариш ва янгилиниш рамзи

Алишер Навоий номидаги Ўзбекистон Миллий боғида бўлиб ўтган Наврўз байрами тантаналаридан репортаж

■ Она табиатнинг инсониятга ато этган бетакорор мўъжизаси, фусункор манзара буй кўрсатмоқда... Борлиқ, замин, қиру адирлар ям-яшил гўзалликка бурканган. Анвоий гулларнинг муаттар ифори еру осмонга ажиб бир тароват, кўнгилларни яйратгучи жушқин ҳарорат бағишламоқда.

Эрталабдан сахий қуёшнинг ҳаётбахш нуллари таралмоқда. Эндигина ниш ура бошлаган мой-чечаклар, чучомоллар, бинафшлар қошида жажжи болажонлар гир-гир айланиб, беғубор фаслда беғубор дамлар лаззатини туймоқда. Момоларимиз тайёрлаган кўк чучвара, ялпис сомса каби таомлар иси димоқни қитқилайди. Турналар, қалдирғочлар мусалфо осмонимизда яна тинчлик, фаро-

вонлик, тўкинликни мадҳ этиб куйламоқда...

Ҳа, азизлар, бу фасллар келинчаги, яшариш ва янгилиниш фурсати Баҳордан дарак, ёшлик, гўзаллик, меҳру саховат, шуқроналик айёми Наврўздан нишон.

Наврўз байрамининг сарнамлари ажодларимизнинг коинот, Кўёш, Ерга бўлган эътиқодлари асосида вужудга келган. Зардуштийлар оловни Кўёшнинг ердаги

зарраси — фарзанди деб билиб, киш ва эрта баҳордаги маросимларда катта гулханлар ёқиб киш совуғини «ҳайдашган» ва кўкламни «чақиришган». Наврўз катта байрамга айланиб, «Йил боши» вази-фасини ҳам ўтаган. Байрамлар маликаси табиат қонуни, кўёшнинг ҳамал буржиги кириши, кеча ва кундуннинг тенглашиши, кундуннинг узая бориши, табиатнинг жонлиниши билан бағлиқ.

Яқин тарихимизда Наврўз ўз бошидан не-не синовларни ўтказмади. Уни таҳқирламоқчи, топтамоччи бўлишди. Бизни бебаҳо анъанамиздан маҳрум қилишга уринишди. Унга қарши ошқора кураш олиб борилди. Миллий қадриятлар учун кураш миллат овозиди учун, миллат эрки учун кураш эса

мамлакат мустақиллиги учун курашга айланди. 1990 йил 25 январда Республика раҳбари Ислам Каримов ташаббуси билан Ўзбекистонда Наврўзни умумхалқ байрами сифатида нишонлаш тўғрисида қарор қабул қилинди. Халқимиз учун энг азиз ва миллий байрам — шарқона янги йил яна ўзимизга, ўзлгимизга қайтди.

Улуг истиқлолимизнинг 20 йиллиги арафасида нишонланадиган бу йилги Наврўзнинг шуқуқи, авжи ўзгача. Мир Алишер Навоий ҳазратлари айтганларидек:

Васли аро кўрдим тенг эмиш бўйюк сочи, Тун-кун тенг экан зоҳир ўлур бўлди Наврўз.

(Давоми 2-бетда.)

Ҳар гўшада байрам таровати

■ Бугун пойтахт вилоятининг қайси гўшасида бўлманг, катта ўзгариш ва янгилинишларга рўбарў келасиз. Вилоятнинг қатор туман, шаҳарларда янги уй-жойлар, боғ-роғлар, гулзорлар барпо этилди.



Ҳар гўшада ободонлаштириш ишлари амалга оширилди. Саховат-пеша хомийлар томонидан кам таъминланган оилалар, ёлғиз қариялар ҳолидан хабар олинаётир.

Тошкент вилоятининг асосий Наврўз тантаналари Уртачирчиқ туманидаги «Кумовул» фуқаролар йиғини худудда бўлиб ўтди. Бу ерда куй-қўшиқ янгради, уйин-қулги авжига минди. Дастурхонларга кўклам таомлари тортилди, кўнгилчар тадбирлар уюштирилди. Айниқса, вилоят «Матлубот-инвест» давлат унитар корхонаси томонидан ташкил этилган турли таомлар ва нонлар савдо ярмаркаси байрам иштирокчиларига манзур бўлди. Давлат унитар корхонаси бўлим бошлиғи **Наврўз Мирзамухамедов**нинг айтишича, вилоятнинг Қибрай, Янгийўл, Чиноз, Бекобод, Оҳангарон, Қуйчирчиқ, Уртачирчиқ туманларининг қандолатчилари ва новвойлари тайёрлаган патир нон, обинон, беақли нон ва юз хилдан ортик турли ширинликлар байрам дастурхонига тортиқ этилди.

Соҳибжон САЛИМОВ,
«Ўзбекистон овози»
муҳбири.

Кучли давлатдан — кучли фуқаролик жамияти сари

Дунёнинг энг ривожланган мамлакатлари сафидан муносиб ўрин эгаллаймиз

■ Ўзбекистонда иқтисодий, ижтимоий, ҳуқуқий ва демократик ислохотлар бир вақтнинг ўзида босқичма-босқич амалга оширилмоқда. Кўлга киритган барча муваффақиятлар замирида тадрижий йўл, узоқни кўзлаб, тарихий қадриятлар ва давлатчилик таҷрибасига асосланиб амалга оширилаётган ислохотлар ётибди. Энг муҳими, тараққиётнинг бу йўлини халқимиз бир тан-бир жон бўлиб қўллаб-қувватламоқда. Президентимиз илгари сурган Концепция мана шу йўлдаги янги босқич асосларини яратди. Мазкур тарихий ҳужжатда қайд этилган гоълар, шунга кўра қабул қилинаётган қонунлар жамият ва унинг ҳар бир аъзоси ҳаётида ўзгариш ясайди. Дунёга янада кенг қараб, янада ёниб яшаб туради.

Кучли давлатдан — кучли фуқаролик жамияти сари

Дунёнинг энг ривожланган мамлакатлари

сафидан муносиб ўрин эгаллаймиз

(Давоми. Боши 1-бетда.)



Гулноза ЭРНАЗАРОВА,

Олий Мажлис Қонунчилик палатаси депутати, ЎзХДП фракцияси аъзоси:

— Бош вазирга нисбатан ишонсизлик вотуми билдириш халқаро амалиётга мос, шу билан бирга, ўзига хос хусусиятларга эга. Яъни, биринчидан, ишонсизлик вотуми бутун ҳукуматга эмас, балки Бош вазирнинг ўзига билдирилиши мумкин. Иккинчидан, ишонсизлик вотуми Бош вазир ва Қонунчилик палатаси ўртасида зиддиятлар доимий тус олган ҳолда билдирилади. Учинчидан, бу масала сиёсий партияларнинг Қонунчилик палатасидаги фракциялари ёки депутатлик гуруҳлари томонидан эмас, балки палата депутатларининг камида учдан бир қисми томонидан кўтарилиши мумкин. Тўртинчидан, Бош вазирга нисбатан ишонсизлик вотуми билдириш таклифи Президент номига расман киритилиши

керак. Президент эса бу таклифни Олий Мажлис палаталари муҳокамасига киритади. Бешинчидан, ишонсизлик вотуми Қонунчилик палатаси депутатлари ва Сенат аъзоларининг камида учдан икки қисми овоз берган тақдирда қабул қилинади.

Кўриб турибмизки, янги институт манфаатлар мувозанати ҳамда ўзаро тийиб туриш механизмини юзага келтирмоқда. Бунинг барчаси провардида ҳар биримиз ўз ишимизни такомиллаштиришни, жамият олдидаги масъуллини чуқур ҳис этишни тақозо этади. Шунга муваффақ бўлсак, бу механизм ҳар ким ўз иштини виждонан адо этишига, бир сўз билан айтганда, ҳаёт юксалишига, халқимиз турмуш фаровонлигини янада оширишга хизмат қилади.

Шухрат ТУРСУНБОВЕВ,

Олий Мажлис Қонунчилик палатаси депутати, ЎзХДП фракцияси аъзоси:

— Маълумки, вилоятлар ва Тошкент шаҳар ҳокимлари ўз лавозимлари бўйича жойларда маҳаллий ижро ҳокимиятини бошқаради. Демак, ҳудудларни ижтимоий-иқтисодий ва маданий ривожлантириш бўйича масъулият ҳам аввало, уларнинг зиммасида. Конституциямизга киритилган ўзгариш ва қўшимчаларга кўра, вилоятлар ҳокимлари ва Тошкент шаҳар

ҳокимини Ўзбекистон Республикаси Президенти Бош вазир тақдимида биноан тайинлайди ҳамда лавозимдан озод этади. Бу эса ҳокимиятлар бўлиниши тамойилига тўла мос келади. Энг асосийси, маҳаллий давлат ҳокимияти билан ҳукумат ўртасидаги алоқани мустаҳкамлайди ҳамда ижроия ҳокимият фаолиятини изчиллаштиради.



Алишер СОДИКОВ,

Олий Мажлис Қонунчилик палатаси депутати, ЎзХДП фракцияси аъзоси:

— Ҳисоб палатаси Раисининг тайинлаши билан боғлиқ ўзгариш ҳам жуда муҳим. Маълумки, Ҳисоб палатасига масъул вазифа юклатилган. У ўз фаолияти бўйича Олий Мажлисга ҳисоб беради. Президентнинг Ҳисоб палатаси раисини

тайинлаш тўғрисидаги фармонини Сенат муҳокамасига киритиш Сенатнинг ваколатини кенгайтириб қолмай, бюджетни шакллантириш ва ижросини таъминлаш бўйича парламент назоратининг янги механизмини яратяди.

Конституциямизга киритилаётган барча ўзгариш ва қўшимчалар провардида мамлакатимиз дунёнинг энг ривожланган давлатлари сафидан муносиб ўрин эгаллашига хизмат қилади.

«Ўзбекистон овози» муҳбири Бехзод ШУКУРОВ ёзиб олди.



Муродбек ЗИЕ олган сурат.

Бўстонликда шодиёна

Пурвиқор тоғлар бағридаги бу гўзал гўшада ҳам Наврўз байрами ўзгача тайёргарлик билан Ғазалкентда нишонланди.

Тантанани туман ҳокими Бахтиёр Султонов кириш сўзи билан очиб, кейинги йилларда туманда олиб борилаётган кенг қўламли ислохотларга алоҳида тўхталди. Кичик бизнес ва хусусий тадбиркорлик йилида бошланган хайрли ишлар янада муҳим аҳамият касб этишини таъкидлади.

— Кўриб турганингиздек, туманимизнинг барча аҳолиси кўтаринки руҳда байрам сайига чиқишган, — дейди «Қумқўрган» қишлоқ фуқаролар йиғини раиси Арофат Муҳиддинова. — Баҳор кириб келиши билан барча қишлоқ ва маҳаллалар ободонлаштирилди. Туманимизнинг чекка-чекка қишлоқ ва маҳаллаларидаги ҳар бир хонадонда Наврўз таомлари — ҳалим, кўк сомса, сумалак пишириш давом этмоқда. Шунингдек, ёлғиз кексалар, боқувчисини йўқот-

ган ва кам таъминланган оила фарзандларига ҳомийлар ёрдамида соға-саломлар улашилмоқда. Чунки, Наврўз меҳр-мурувват, хайр-саховат байраמידир. Шунингдек, яқинда энг улуғ, энг азиз байрамимиз Мустақиллигимизнинг 20 йиллиги кенг нишонланади. Шу муносабат билан маҳалламиздаги ҳар бир хонадон 20 тупдан мевали ва манзарали дарахт кўчатлари экмоқда.

Тантаналарда Наврўзнинг халқимиз ҳаётидаги ўрни, унинг такрорланмас кўрку тароватини ифода этган театрлаштирилган томошалар, фольклор жамоаларининг ранг-баранг чиқишлари, юртимиздаги тинчлик ва осойишталик, кўклам соғинчини мадҳ этувчи куй-кўшиқлар барчага хуш кайфият бағишлади.

Тоштемир ХУДОЙҚУЛОВ

Меҳрибонлик уйда байрам

Ҳўжайли туманидаги 1-Меҳрибонлик уйда 117 нафар тарбияланувчига 20 нафардан зиёд ўқитувчи-тарбиячи таълим бериб келмоқда. Бу йил Меҳрибонлик уйда Наврўз байрамига катта тайёргарлик кўрилди. Байрам арафасида маскан ҳудудида манзарали ва мевали дарахт ниҳоллари ўтқазилиб, кенг қўламли ободонлаштириш ишлари олиб борилди.

Наврўз байрами учун тузилган дастур «Бешик тўйи», «Келин саломи» намоиши билан бошланди. Лапар-айтишувлар, рақслар, халқ ўйинлари, қизиқарли спорт мусобақалари байрам кечасига кўтаринки руҳ бахш этди.

Рейимбой ЕШИМБЕТОВ,
«Ўзбекистон овози» муҳбири.

Қувонч ва шодлик шуқуҳи

Наврўз байрами муносабати билан Термиз шаҳридаги амфи-театр мажмуасига жамоатчилик вакиллари ва меҳмонлар йиғилди. Вилоят ҳокими Туробжон Жўраев вилоят ахлини муборокбод этди. У вилоятни ижтимоий-иқтисодий ривожлантириш, халқ фаровонлигини ошириш йўлида олиб борилаётган қўламли ишлар ҳақида қисқача тўхталиб ўтди.

— Мустақиллик йилларида давлатларимиз орасида иқтисодий, сиёсий ва маданий алоқалар ривожланди, — дейди хиндистонлик меҳмон Деваражон Пиллаи жаноблари. — Шарқ халқлари орасида кенг тантана қилинадиган байрамни бу йил Сурхондарёда кутиб олиш насиб этганидан хурсандман. Урф-одатлар, миллий анъаналар билан уйғунлашиб кетган томошалардан олам-жаҳон завқ олдим. Меҳмондўст, кўнгли очиқ ўзбек халқига хурматим чексин...

Тантананда Йилбошининг халқимиз ҳаётидаги ўрни, унинг такрорланмас кўрку таровати ифода этилган сахна кўринишлари, фольклор жамоаларининг ранг-баранг чиқишларида юртимиздаги тинчлик ва осойишталик, бунёдкорлик улуғланди.

Абдумалик ҲАЙДАРОВ,
«Ўзбекистон овози» муҳбири.

Қўнғирот сода заводи жамоаси

халқимизни Наврўз айёми билан табриклайди.

Наврўзи олам қалбларимизни қувончга тўлдирсин! Рўзгоримиздан қут-баракаларимасин! Тинчлигимиз абадий бўлсин!

Азиз ватандошлар!

Барчангизга келгуси ишларингизда ривож ва сиҳат-саломатлик, оилавий бахт тилаймиз!





ХАЛҚ БАНКИ

Ўзбекистон Республикаси
давлат-тижорат

ХАЛҚ БАНКИ

жамоаси

барча юртдошларимизни

НАВРЎЗ АЙЁМИ

билан табриклайди!



Юртимиз тинч, турмушимиз янада фаровон,
осмонимиз ҳамisha мусатффо бўлсин!

Халқ банки кичик бизнес ва хусусий
тадбиркорлик субъектларини қўллаб-қувватлайди.

ЯРАТИЛГАН ИМКОНИАТЛАРДАН УНУМЛИ ФОЙДАЛАНИНГ!

ЖИЗЗАХ ДАВЛАТ ПЕДАГОГИКА ИНСТИТУТИ ЖАМОАСИ

халқимизни *Наврўзи олам*

билан муборакбод этади!



Осмонимиз мусатффо,
юртимиз тинч,
дастурхонларимиз
тўкин-сочин бўлсин!

«САМАРҚАНД ЭЛЕКТР ТАРМОҚЛАРИ»

акциядорлик жамияти жамоаси

юртдошларимизни

Наврўз байрами

билан самимий

муборакбод этади!

Ватанимиз янада чирой очиши,
халқимиз турмуш фаровонлиги
янада юксалиши йўлида меҳнат
қилишдан толманг!

Наврўзингиз муборак бўлсин!



МУБОРАК ГАЗНИ ҚАЙТА ИШЛАШ ЗАВОДИ

жамоаси

юртимиз аҳлини

кўхна ва боқий

Наврўз байрами

билан самимий табриклайди!

Ватанимиз тараққиёти,
халқимиз фаровонлиги йўлидаги
эзгу ишларингизда омад тилайди!

Наврўзи олам муборак!



Газетанинг навбатдаги сони 26 март, шанба кунини чиқади.

MUASSIS:



O'ZBEKISTON
XALQ DEMOKRATIK
PARTIYASI
MARKAZIY KENGASHI

Bosh muharrir: **Safar OSTONOV**

TAHRIR HAY'ATI:

Abdulla ORIPOV
Latif G'ULOMOV
Bobir ALIMOV
Sharbat ABDULLAYEVA
Murodulla ABDULLAYEV

Ulug'bek MUSTAFOYEV
Tat'yana KISTANOVA
(Bosh muharrir o'rinbosari)
G'afhor HOTAMOV
(Bosh muharrir o'rinbosari)

Musihiddin MUHIDDINOV
Ochilboy RAMATOV
Saidahmad RAHIMOV

BO'LIMLAR:

Partiya hayoti — 233-10-13; Madaniyat va sport — 233-69-45;
Ijtimoiy hayot va iqtisodiyot — 233-44-55;
Jamoatchilik bilan aloqalar va huquqiy targ'ibot — 233-12-56;
Reklama va e'lonlar — 233-38-55, 233-47-80;
Kotibiyat — 233-72-83, 236-55-17.

MANZILIMIZ:

100000, Toshkent, Matbuotchilar ko'chasi, 32-uy.

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.

Gazeta seshanba, payshanba va shanba kunlari chiqadi.

«O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.

e-mail: info@uzbekistonovozi.uz

Г — 349
21781
nuxxada bosildi.

Сotuvda erkin narxda

Navbatchi: **Mirbaxtiyor MIRFAYZIYEV**

Gazeta «O'zbekiston ovozi»ning kompyuter markazida teriladi va sahifalandi.

Sahifalovchi-dasturchilar: **Sobirjon TUNG'ATOV, Zafar BAKIROV**

ISSN 2010-7633
1 2 3 4 5